

紅雪樓原
版影印

蔣士銓著九種曲

上海朝記書莊印行

唐駝署

桂林霜卷下

大興張三禮椿山評文

鉛山蔣士銓清容填詞

鳳翔楊迎鶴松軒正譜

第十三齣

幽禁

丑扮孫延基
引四兵上

失閉玉籠飛彩鳳。恐開金鎖走蛟龍。不如

另結新羅網。收拾長鯨住此中。俺孫延基今日兄弟將

軍說道。昨日京中信息。六月二十一日。旨意已放了

陳洪。明爲廣西巡撫。方纔曉得馬巡撫于四月差公子

特書

元人老手

逃出衙門往京上本。朝廷差員外阿蘭泰筆帖式朱藍布出京接引。六月中又託幕客二人藏了本章。將次子長孫一同逃去。也到京師。看來斷無歸順之意。但俺們反形尙未昭彰。不便將他遽行殺害。爲此奪得低小民房十數間。四面高築圍牆。名爲土室。今日乃七月二十一日。黑道之期。凶神畢集。叫我領兵徑入撫院衙門。押他全家遷居土室。以便嚴加守禁。衆將就此前去。

過曲

撼動山將軍尙且叫哥哥。廣西人都怕我打進大衙門。馬上教挪了窩。把官兒連孩子帶老婆都橫扯豎拖。見一

天何官說

箇也麼押一箇下生馬公帶劍上

正宮
過曲 錦纏頭事如何問蒼天將來恁麼半壁亂山河病身

軀非同健飯廉頗我馬雄鎮前月十七日又草了再陳粵

西情形一疏託朱李二客潛領兒孫逃去前後三本朝

命杳然不知是差去之人都被賊兵殺害又不知是已發

援師尙未得到教人好生迷悶有誰解白登圍橫行大漠

難道把岳家兒全陷風波就裏漫猜度這總督與提督按

兵坐視最爲可恨都做了驚蛇怖鴿無杵靖諸魔噴熱血

心雄勢弱恨兜鍪從賊草間活

八字要書

直氣湧如潮

內吶喊介淨老道奔上老爺不好了大夥賊兵撞開頭
門蜂擁而入不知何故生罷了你且去裏面照看着淨
下丑引衆上馬大人在那里呀馬大人我的兄弟將軍
說你在衙門住得委曲另備下一所公館請你喬遷快
同我去生哇孫延基我久拚一死只因逆亂未平王師
有待故爾遲遲你今日來得好

朱奴兒只不過頭顱一顆準備你將軍來割十擔輕裝值
甚麼男共女性命無多全殺却其如我何不必恁惺惺箇
丑揖介大人言重了舍弟與你是同朝好友焉肯無情

便

至此

朱奴插芙蓉論武將文官要和，恁古執剛方不可處世從
來貴圓活。風八面商量移舵，生多講丑前車禍痛君家伏
波。况大人半載閒居，朝廷之上誰能諒你心跡。轉關兒
怕明珠惹苒謗言訛。

內又喊介淨奔上稟老爺數百人從後牆推倒進來。將
合家男女都搶去了。生大怒介阿呀逆賊好無禮也。丑
大人放心，不過請到公館裏去並無歹意。生罷罷罷俺
馬雄鎮今日死有餘辜矣。淨慌介生

虛生者同聲
一哭

朱奴剔銀燈不能爲朝廷荷戈却轉爲封疆貽禍偌大乾坤何用我死得陋書生真懦丑大人不可亂了方寸愚兄弟一團好意生哇呵呵賊心腸怎麼只一劍臣心了却

拔劍自刎一卒奪劍墮四指滾地介丑奪去劍四卒擡生下淨哭叫隨下丑持劍弔場滾地卒不動介阿呀好利害性子這樣東西都好放在脖子上去頑兒的嗎二卒上已將馬爺擡到土室中夫人等都在彼解勸馬爺睡在床上發惱呢丑你們可將門戶封好了麼卒封得嚴緊四面梆鈴不絕丑好呀這個狗才如何睡在地下

進而緊

卒他奪劍時割去了四個指頭暈倒了丑不中用的狗才幾個指頭什麼希罕卒爺何不試試丑我是怕痛的擡他回去罷

尾聲做忠臣先製下金鎗藥纔不怕傷風腦破內敲梆鈴

介丑好熱鬧的土室呀比他那開轅門的鼓角加上這幾

聲鑼下

第十四齣 釋帖

場中設書案場後掛幔上懸笏擊樓匾小旦扮雙調顧氏上引子胡搗練沉犴狴陷羅罟

清閒轉覺歲華賒把筆不須門限鐵張弧如載鬼盈車

如夢令。黑。夜。幾。聲。更。鼓。白。晝。幾。番。風。雨。染。翰。學。夫。人。小。
注。過。庭。書。譜。休。苦。休。苦。且。伴。寂。寥。蘇。武。奴。家。顧。氏。蘇。州。
人。也。妙。解。五。音。深。通。八。法。爲。中。丞。馬。公。侍。妾。自。甲。寅。七。
月。被。孫。賊。將。我。全。家。幽。囚。土。室。今。已。四。載。我。老。爺。耿。耿。
孤。忠。遲。遲。一。死。豈。郝。經。之。返。國。無。期。實。天。祥。之。捐。軀。有。
待。頻。年。以。來。集。漢。晉。而。下。各。家。草。書。碑。版。倣。宣。城。梅。氏。
字。彙。體。例。別。類。分。門。排。爲。一。十。二。卷。題。曰。彙。草。辨。疑。奇。
變。相。生。繁。簡。合。度。曲。盡。古。今。之。法。墨。池。翻。浪。澆。人。阱。
之。愁。筆。陣。馳。戈。恣。洩。拘。囹。之。怒。奴。于。添。香。調。瑟。之。餘。顛。

忘舛陋逐字細加旁訓雖塗鴉畫蚓有慙柳骨顏筋而數墨循行竊比鄭箋毛注今日老爺手書匾額懸掛小樓不免攜了草帖上去瞻玩一回則個抱帖緩行介

仙呂人
雙調

柳搖金。茆簷中卸泥牆。四遮樓壁。漸歪斜。梯齒多

殘缺。看介。笏擊樓咳。司農心露些。幾時能也。你看這三個

字。波磔森嚴。神光憤激。想見下筆之時。鬚髯戟張也。破屋走龍蛇。待把朱泚頭顱向毫端摧裂。真箇鋒能刺賊骨。可專車骨可專車。腕能屈鐵。

放帖几上坐介。風日清和。且把草帖再加校勘一番。展

筆陣心兵左
繁右拂

後世咨嗟後
人摹寫千秋
腸斷

一句拍合

帖介你看雷電驚眸。雲煙觸手。真乃千古墨寶也。

淘金令。隨身劍。飛袖底驚鴻。瞥排空浪飛海上。神蛟掣落。
絮繁。花流風迴雪。都是雄心勁氣。整整斜斜。獨來獨往。誰
敢遮精神。聚結辟火驅邪。後世咨嗟。後人摹寫。

便是奴家這些細字呵。

四塊金。畫沙印泥。豈是簪花格。研經論史。豈是彈箏妾。關
姬何用櫛。隱娘原自俠。笑書家姿媚相誇。都無貞烈。教我
暗傷嗟。怎生禁當得這一波三折。

貼粉劉氏捧茶上。欲醒觀書眼。相尋試茗人。顧姐校字。

香口喁喁遂
成定論

心苦用盞茶兒。小旦多謝劉妹請坐了。對坐介老爺夫
人在何處。貼老爺在夫人房中吟詩呢。小旦是何題咏。
貼一首是題獨秀山的。小旦劉妹可記得。貼顧姐聽者。
無奈鼠牙侵天戈。旦暮臨蒼梧。還似舊銅柱。到如今。甄
濟舒長頸。濮真剖赤心。悠悠山獨秀。不死會相尋。一首
是題笏擊樓的。奮身憑一擊。千古說司農。尚有餘生在。
何時挫賊鋒。小旦老爺心事畢見矣。

攤破金字令長歌。激楚正氣文山節。高吟跌宕。浩氣椒山
血。天地聞之鬼神聽者。貼夫人說。四年中骨肉奴婢以飢

共證無生

抑揚呼吸如
泣如訴

寒死者已十九人矣。只愁長平坑內終無遺子。干將何處尋鎖鑰。小旦此事久在意中。久拋度外。何必計較我與你。只算身從夜臺賒。但願無常討快些。貼姐姐真是達人暢論死勝生。耶鬼勝人。耶康寧富壽誰在也。

丑婢上老爺請顧奶奶去彈琴。請劉奶奶去煮雪。二旦曉得了。丑老爺說。

金風曲琴歌入操。待你冰絃寫丹心似火。待你松風滅遣此無聊夜。不似信陵君綠酒紅妝末路英雄債。二旦孤臣靠那些。佳人靠那些。只留下這平原帖。小旦抱帖全下。

第十五齣

誅叛

中淨赤鬚金冠
袍甲引隊上

列土分茅意不甘黃袍加體坐雲南三

家鼎足窺神器一箇王孫做長男登高坐介俺吳世倥
乃滇藩吳三桂長孫新掛平粵大將軍之印攻破桂林
大開幕府你看這廣西地方控制羣蠻彈壓八鎮右襟
象郡左帶蒼梧建交趾之藩屏立滇池之門戶好不險
峻叵奈孫延齡這厮雖有投誠之表却無獻地之功觀
望四年屢形驕抗俺祖爺爺命俺前來密誅此賊並勸
馬雄鎮歸順以資輔佐爲此今日盛陳兵衛待孫賊叅

見卽行擒斬便了。淨盔甲扮孫延齡引二卒上。隗囂且作遨遊計。高傑難平反側心。俺孫延齡久附雲南。未能脫去。昨被撫蠻滅寇將軍傅宏烈展轉開導。又見馬雄鎮百折不回。頗悔當年孟浪。不料滇兵突至。大振軍威。弄得我主意不定。今日且去參見。相機行事。則個左右通報。卒孫將軍參見。中淨着他進來。淨入揖。中淨不起。淨背立介。中淨孫延齡。你知罪麼。淨俺有何罪。中淨你擁兵觀望。據險優游。屢叨厚賞千金。不獻邊隅尺土。巧作兩家之叛賊。究爲誰國之忠臣。軍士們與我綁了。卒

綁介淨阿呀罷了罷了中淨

黃鍾過曲

畫眉序兩面笑藏刀枉做姦邪討誰好享金銀子女

算汝功勞一個馬巡撫殺又不殺解又不解苦將恁軟款

監牢可知你連環圈套今朝斧鉞申天討斬伊傳示官僚

淨呀吳世倥俺乃天朝名將上國大臣不惜遺臭之聲

名欲保從龍之富貴蠟丸偷獻可憐秦檜丹心雲夢僞

遊反用陳平詭計不知巫臣之盡室難行待把趙括之

全軍都害看你祖父行爲豈是帝王度量可歎我孫延

齡罵名枉垂萬代冤死不值一錢也

若輩痛心否

前腔天理果昭昭。難怪爲人貴。忠孝背君親。作賊一樣餐刀。別的也罷了。王孟兩都統。以下那班厲鬼。若還遇了我鬼門關。攢刃難饒。馬巡撫在土室中。聽見我老孫。倒先喫一劍。活地獄也。臨風含笑。中淨俺先朝像。你這樣混帳東西。不知叫流賊宰了多少。你想想。畱下你這等賊子。那一家還用你呢。淨罷了罷了。背主通番。不忠不義的一班朋友。請看榜樣呀。功名富貴都丟掉。全家瓦解冰消。

中淨咳。碎得緊。拿去砍了罷。卒推淨下。中淨一面發兵。將他一門老少盡行屠戮。一面到土室中。迎取馬撫院。